


綏寧縣志

卷七

地2(14)  
38  
::7



祥異

傳曰天道遠人道邇故聖人修德不言福應然而人事失於下天變見於上其理有不誣者是以易辨吉凶書徵休咎春秋紀災異特詳如大辰火宋元枵禍楚著於左傳者信而有徵漢儒董仲舒作春秋繁露劉子政作洪範五行傳皆以推明陰陽五行之理天人感應之迹未可詆爲妖妄而置之也綏處楚邊無瑞可紀今觀舊志所載郎星守軫十年豐稔太白入軫連歲兵荒有明驗矣至若年無天札歲有偏災亦

綏甯縣志

卷之五

祥異

數百年得失之林也故錄之以爲攷古者資焉  
明嘉靖前無考

嘉靖二十年郎星臨軫野綏邑十年豐稔

萬曆十六年三月舉縣火災延及 文廟人多燬

斃知縣馮有道給食施棺五月大水溺死無數廩生

葉文陳嘉謨童生陳宗孟父子同舟溺死 十八年

連值大旱田無顆粒分守道郭開倉平糶煮粥濟饑

二十三年二月雪雹連旬人畜凍斃

國朝順治五年豐稔 十二年有秋 十五年太白入

軫連歲兵興 十六年己亥斗米千錢流亾殆盡加以火災衙署盡燬三年四令席不暇煖至有求去不能自瀆者

康熙元年大有年 四年乙巳至六年丁未歲星守軫連年有秋 十三年吳逆盤踞湖湘 十八年潰兵逼扎於蓮荷楓門旌旗蔽日白刃橫飛民之存亾懸於鋒鏑綏邑男婦潛遁密林 十九年

王師恢復飢饉洊至瘟疫流行床上白骨溝中僵屍慘然滿目 四十年豐稔 四十四年東南關外火災燒

綏甯縣志

卷之三十八

祥異

二

燬八十餘戶知縣吳祥生恤給銀兩 五十一年七月水災 五十七年大水沿河田損溺死九十人六十年豐稔嘉禾生九月內流星出現有光少頃其聲如雷一鳴乃止

雍正二年正月城內火災焚燒四十多戶延及縣署頭門鼓樓右間志板盡燬舊冊多失 四年豐稔黃河清 七年三月迅雷震破大堂右柱 八年四月西河大水橋崩田壞 十年歲大熟

乾隆三年正月雪雹大如蛋民房俱傷牛畜多斃五

月內虹現於南占曰三年內南有干戈起九月太白  
入軫 五年苗獍猖獗賴大兵擒勦十月新街火延  
燒八十六戶房屋一百二十九間西河橋亭一座知  
縣任之彥督拆房屋一十八間爲火巷始息隨捐俸  
賑卹 六年四月彭家團火災焚一十一家燒斃女  
孩一口知縣任之彥任捐俸賑恤 八年大有 十  
二年四月苗溪磨猴家溪等處水災衝壞田畝署知  
縣明英捐俸賑恤 十三年七月瘟疫流行城鄉徧  
染十口九臥知縣程際泰禁屠齋戒捐俸設醮每日

詣壇祈禱制藥施送罔不應驗一日有六甲葬民陸  
正富卧病在床忽夢神人告曰汝寨宰牲祀我我未  
之享我爲汝等往天議事帝曰汝縣恩主已來代汝  
保求汝通縣俱無恙矣汝弗信汝等祀我毛血尙在  
某處衆人往視果不虛後復另祭其病立痊地方皆  
甦閱數日始聞縣果設醮焉 十四年八月長安堡  
民盧玉珍等被火延燒三十八戶知縣程際泰捐俸  
賑恤 十五年三月大烏水桑木冲水湧山崩衝壞  
田廬壓斃苗民一家五口又三里田八岔水一路衝

壞田地七十餘畝知縣程際泰具文通報捐俸賑恤  
勸修田廬民得安堵

按范志康熙八年城鄉市鎮內外屢被火災燒斃男  
女六口知縣楊九鼎各戶給米被焚子女給棺收殮  
看縣南高功山屬離龍入首形如伏虎火位火形疑  
有人盜葬使里人徂掘果得骸骨一瓶上蓋八卦羅  
盤石匣甚堅共掘棄之又知縣范成龍看縣北盤古  
庵官山皆係赤土令士民於彼處各栽禁樹一株以  
掩赤色並押沿街茅店更蓋瓦片火災始稀其樹永

綏甯縣志

卷之三十六

祥異

四

禁砍伐

乾隆四十年大有 四十七年五月初更時有流星  
如梭約五六尺長自東南角起至北响一聲而沒  
四十八年有秋 五十年嘉禾生 五十六年歲大  
熟 五十八年二月下冰雹火者重五六兩房屋瓦  
片多打破

嘉慶元年有秋 五年嘉禾生 十年歲豐稔 二  
十年五穀豐登

道光元年日月合璧五星連珠 二年大有 五年

豐稔 八年正月城內火災延燒縣署頭門民房舖  
戶五十餘家夏旱七月得雨有秋 十四年腊月西  
關外火災燒燬民房舖戶百餘家 十七年夏旱  
十八年大熟 二十二年豐稔 二十九年夏大飢  
斗米售錢七百文 三十年十一月降黑雨  
咸豐四年豐稔 五年大有二月下冰塊大者重三  
四兩房屋多損破風烈拔樹 七年正月城內火災  
焚燬五十餘戶 八年九月西關外火災焚燬民房  
舖戶百餘家延及西河橋 九年三月慧星現於西  
北方七月乃沒 十年三月降黑雨 十一年正月  
降黑水 二月降赤雨 三月降黃雨  
同治元年正月猛虎入市知縣杜燮祭禱逐之五六  
月飢 二年五六月大飢斗米售錢六百文 四年  
四月旱五月得雨有秋 五年五六月旱六月得雨  
有秋

綏甯縣志

卷之三十八

祥異

五